

遼

詩

話

增訂遼詩話卷下目錄

劉海蟾 一則

僧非淵

僧智化

鄭若愚等二十四則

羅衣齣

無名氏詩 二則

鼓吹曲

童謠 五則

阿里吉 一則

臻蓬蓬歌 一則

余尙書北語詩 一則

刁奉使北語詩 一則

張元 四則

王仁宗

幹道冲等三則

高麗王王掖

韓敏如一則

崔思齊

李子威等一則

朴寅亮

子景綽四則

魏繼延

一則

李資諒

一則

李齊賢

張晉公
一則

高麗詞

一則

無名氏

二則

高麗僧

一則

黃麀歌

二則

以下
附錄

嘲武懿宗

一則

唐幽州謠

一則

杜鵑

一則

朝定真冷

一則

長樂老詩

一則

趙延壽

一則

胡嶠

二則

蓼花游

一則

宋太宗詩

一則

楊大年文

一則

贈寇萊公詩

一則

鄭富公對一則

蔡忠惠詩一則

二蘇唱和一則

東坡屬對一則

韓玉汝樂府一則

信誓如山河詩一則

王拱辰詩一則

佛籽一則

奚車一則

紫濛館一則

酒器一則

契丹舞一則

芳儀曲一則

蜜翁翁一則

酒令一則

荅平禪師詩一則

文殊通禪師偈一則

白溝河詩二則

遼詩話下卷

目錄

藏修書屋

耶律履一則

耶律楚材一則

統幕鎮詩一則

題遼人射獵圖一則

笞女臺詩一則

上花園詩一則

應州木塔一則

東丹射鹿圖詩一則

遼后妝洗樓詩詞六則

遼宮詞一則

會同石幢一則

生儀詩一則

齊孝子一則

題龍龕手鑑詩一則

染莊蛇一則

遼詩話卷下

海寧周春菴今輯

劉海蟾

劉元英字宗成號海蟾子初名搯字昭遠後得道改

稱爲燕地廣陵人也

一云大遼人

以明經擢第

一云遼進士

仕

燕主劉守光爲相後解印綬辭朝易服從道有詩云

拋離火宅三千指屏去門兵十萬家紀當時之實也

後遇呂洞賓得金丹秘旨往來終南泰華間復結張

無夢种放訪陳希夸先生爲方外友亦閒作詩有詩

集行於世

通志藝文畧海
蟪子集一卷

其詠修鍊則有還金篇行

於世

薛大訓神
仙通鑑

僧非濁

僧非濁

字貞照

號純慧大師嬰脚疾乃逖匿盤山敷課

於白織蓋每晏坐持誦常有山神敬侍尋克痊與宗

特賜紫衣道宗時召赴闕屢加檢校太傅太尉師撰

往生集二十卷以進道宗嘉贊久之親爲帙引尋命

龕次入藏

盤山志參奉福寺石幢記
同總錄新編隨願往生集二十卷沙門非

至元法寶勘

濁集二帙禪主二號
今藏已刪去此部

南泉斬貓公案遼朝啟上人作鏡心錄訶南泉
殺生造業文首座作無盡燈辨悞救云古本以
手作虛斫勢豈真一刀兩斷鮮血淋漓哉頌曰
兩堂雲水盡紛拏王老師能驗正邪千古作家
趙州老草鞋頭戴較些些

萬松老人從容庵錄

僧智化 鄭若愚等

崇祿大夫檢校太師行鴻臚卿普門大師賜紫沙門
智化述見說曾爲上馬臺堪嗟當日太輕哉固將積
歲舊凡石又向斯辰刻聖胎月面渾從毗首出山儀

儼似補陀來願同無用恒爲用不譬莊言木雁才又
方池波面躡花臺瞻奉無非唱善哉外現熙怡慈作
相內含溫潤玉爲胎刻雕數向生前就接救專期沒
後來故我志誠無倒意三年用一兩重才

玉石觀昔
像唱和詩碑

兵部尙書兼門下侍郎平章事鄭若愚和云文殊一
對普賢臺飾寶一金卽衆哉聖帝特鎔銀作像高人
又選玉成胎端嚴然自工鐫出光彩俱從星化來因
此道圓功德就給孤園內一全材

全上

左僕射兼中書侍郎平章事韓資讓和云貞珉未用

似湮埋選造觀音衆快哉募匠俄鑄大土相成形不
自凡夫胎琳琅光彩院內滿冰雪威儀天上來珍重

吾師能鑿物從今免屈非常材

上全

兵部尙書興中尹趙庭睦和云觀音神力不思議舉
世歸依頗異哉人各爭奇金作像工多銜巧木爲胎
積年一石嗟誰顧今日逢師入用來但蘊貞堅潔白

德宏材未見作遺材

上全

諸行宮都部署尙書左僕射梁援和云七尺仙容立

殿臺鑄奇縷

鐵字之誤

異最優哉摸將竺域佛爲像琢就

崑峯石作胎妙相化身從地出慈尊移步下天來倘
非師智巧經度誰識藍田舊玉材

全上

特進禮部尙書參知政事趙長敬和云昔年避地別
燕臺今日因人信美哉貞性果期成妙相碎容元不
降凡胎燒殘灰劫無凋朽拂盡銖衣任往來一像端

嚴傳萬世法門師匠苒遺材

全上

觀書殿學士翰林學士行尙書禮部侍郎知制誥馬
元俊和云天慶寺前一危石造就觀音神在哉八萬
由旬妙高首三千世界明月胎潛救衆生苦惱去默

傳諸佛心印來十首新詩讚功德等閑難繼貫休材

上全

中大夫昭文館直學士知御史中丞開國侯劉瓌和
云久遣貞石混織埃二像時鑄事卓哉順俗慈悲須
假相出塵神力亦非胎紹名早授昔師記救苦分臨
末世來蓋是性堅無變易會逢高鑿豈淹材上全

度支使金紫崇祿大夫行尚書禮部郎史仲愛和云
遺脫貞珉在帝臺高人識辨事奇哉造成補洛山中
像不假摩耶腹內胎種種形容何處現巍巍神力此

中來荒吟詩頌陪諸彥輕重織莖抵巨材上全

乾文閣待制史館修撰曲正夫和云塵埋雨漬近樓
臺久弃通衢亦命哉今日方成白玉像昔年誰識紫
金胎人存一驗功須一物極終知泰自來元是御碑

一未建四分材內一分材上全

朝請大夫守秘書監開國伯賜紫金魚袋王執中和
云堅一刻像降蓮臺一敬瞻容睟美哉救難龍魚鬼
與火度生卵濕化兼胎侍多千佛咸聞見善應諸方
無去來足表英雄心一力隨一一不遺材上全

南面統行宮都部署——尚書吏部員外郎于復
先和云玉像鑄成置寶臺威嚴神在數奇哉身披雪
氍凝山骨眉放虹光剖月胎相好盡疑如化出慈悲
重爲度生來嚮非大士垂——鑿應被凡工作殿材上全
前樞密院吏房承旨行殿中少監王仲華和云窈雲
披霧下峰臺歲久還逢藻鑿哉相爲應根方有像性
因絕垢自無胎琢磨迥出三身外具足非從一日來
萬法皆由人卽顯空門觸物願同材上全

朝議大夫知制誥開國子孟初和云瑞毫輝映紫金

臺鏤石尊容煥赫哉山卷碧雲呈玉骨水搖白日晃
珠胎一枝楊柳光嚴住百寶蓮花影像來珍重吾師

承道蔭義林高聳豫樟材

全上

初見前

朝散大夫司農少卿知大定少尹賜紫金魚袋張識
和云夔峰久劬滯留臺塵覆方能遇鑿哉應手刻成
白玉像化身免托子宮胎初疑入夢補陀去又訝隨
緣震旦來從此睟容日瞻仰億年不朽表良材

全上

司農少卿知度支副使楊滌瑕和云誰認昏蒙明鏡
臺吾師智見大雄哉偶窺片石非凡相特命良工刻

聖胎救苦盡隨威力去欲求還應願心來從前高士

有多少不識白山一分材

全上

守殿中少監知析津縣事李師範和云相兒巍巍儼
裁立承瞻奉亦時哉誰知韞玉貞頑質自是觀音
應現胎天慶門前遺舊隱補陀山內悟新來幽巖此

石知多少不遇一人是不材

全上

行御史中丞賜紫金魚袋李和云和雲

巨石拔沈埋鑄作觀音哉營自私心分異體出

由山腹胎端疑相一生羣善堅固身存來

遭遇若非大龍象不過爲——材全上

提點弘法守將作監張——和云何代何年築此臺因
人得用——哉——山元作谿雲伴今日翻成——胎
只見威儀隨相現不知示——來若非早入名師

眼猶被塵——材全上

內藏副都監朝散大夫尙書虞部郎中借紫敎——和
云誰刻貞珉在寶臺威神相——哉補陀山下白
雲骨極樂天中——胎能遣衆生——去可令千種
——來十篇所贊神通力方見吾師——材全上

殿中丞直史館張壻和云青松影畔昔爲臺大器今
方——哉拂盡暗塵披素質鑿開諸相——胎圓明
獨對靈珠現溫潤常含——來歷劫定隨宏誓在吾
師能——材全
上

左承制閣門祗候韓汝礪和云——常時自隗臺豐
碑餘剩——哉得——大——鐫成隊益表中心——胎
——屑熟隨金鑿去珠光新人——來——結社招唵

客盡是皇朝——材全
上

崇祿大夫檢校司徒辯慧詮正大師賜紫沙門善——

和云巍然獨立絕纖埃相好奇哉復一哉因覩工移
珉作像方知凡與聖一胎一一未省懷悲喜救苦何
會覺一來一一一一一一一一只出一一材全上

後又附講經法姪性連詩云神姿斯就置層臺儼雅
威靈衆異哉實智已圓百劫相權儀不許四一胎用
興體密復還往定澗悲深去又來積歲未承英匠別
也當遺夢曲一材又資講僧性鑒詩云枕道常爲避
暑臺偶然易質大驚哉鐫成月面舒蟾魄斷就珠毫
露蚌胎龍岳應緣期日往鳳都乘暹出塵來若非英

鑿能如此十載湮沈謂不材

全

丙戌仲夏同年嘉定錢竹汀學士示余遼碑一通乃纂修熱河志時從塞外檄取者搨手不佳字多模糊甚至姓名不全殊可惜也碑額題玉石觀音像唱和詩碑記十字後款大遼壽昌五年九月十六日建門人講花嚴經苾芻性煦書并篆河內馬孟哥刻字其字學顏平原楊少師體頗覺整飭學士云熱河附近八百餘里石刻搜羅略盡遼詩惟此一碑君向輯詩話所未採

選言言卷一
故以昇君至歸化城一路或尙有之惜未能遍
訪耳余謂遼人因此著錄者二十五人遼詩因
此流傳者二十六首物之顯晦有數焉存乎其
間雖詩不甚工諸人不可謂非厚幸矣

羅衣輕

伶人羅衣輕不知其鄉里滑稽通變諧謔多所規諷
興宗敗於李元昊幾不得脫先是元昊獲遼人輒劇
其鼻故羅衣輕嘲之曰且觀鼻在否上怒將殺之太
子笑曰打諢底不是黃幡綽羅衣輕應聲歌曰行兵

底亦不是唐太宗上聞而釋之史

無名子詩

幽薊州既入契丹而懷思石晉不已時有使遼者見燕京傳舍畫墨鴉甚工旁題詩曰稀星涼月夜無

限向南飛

古今詩話

靖康之變燕人有過相州因謁韓魏公祠堂題詩祠中一聯云有客能吟丞相柏無人敢伐召公棠魏公勲德之重人知景慕如此

庚煥詩話

崇寧三年遼賀生辰使謝賜柑表云聘禮式陳

祝帝齡於紫闕宸恩特異錫仙實於公郵方厥

包來貢之期捧茲德惟馨之賜天香滿袖染湘

舊本作淮以王水之清寒雲液盈盤浥洞庭之

餘潤梓里豈遑於遺母楓朝竊願於獻君感德

滋深誦言罔既能改齋漫錄 案駢體 頗工惜不傳其名氏

鼓吹曲

熙宗天眷三年九月幸燕京所用鼓吹導引曲尚仍

遼舊大金集禮案其辭無射宮云五年一巡狩仙仗到人間

問稼穡艱難蒼生洗眼秋光裏今日見天顏金戈玉

斧臨香火馳道六龍閑歌謠到處皆相似天子壽南

山金史樂志案當是遼時
文臣所作今不可考矣

童謠

太祖述律后有雄髻嘗至遼土二河之會有女子乘
青牛車倉卒避路忽不見未幾童謠云青牛媪會避
路蓋諺謂地祇爲青牛媪云太祖卽位羣臣上尊號
曰地皇后史重熙十五年楊佖爲武定軍節度使時
境內亢旱苗稼將槁視事之夕雨澤沾足百姓歌曰
何以蘇我上天降雨誰其撫我楊公爲主全上

北西林牙蕭巖壽奏耶律乙辛有陰謀搖動太子上
悟出乙辛乙辛尋復入流巖壽於烏隗路終身拘作
巖壽雖竄逐恆以社稷爲憂時人爲之語曰以狼牧
羊安得久長卒爲乙辛所害

上全

洪基能守成然嬖幸其臣耶律英弼

即乙辛

累封魏王

時人諺云寧違敕旨無違魏王白帖子

文獻通考

天祚東征敗績中外歸罪蕭奉先於是擢用耶律大
悲奴蕭查刺吳庸馬人望柴誼等參議軍國大事數
人皆昏謬不能裁決國人語曰五箇翁翁四百歲南

面北面頭瞌睡自己精神管不得有甚心情管女直

遠近傳爲笑端天祚聞之亦笑

契丹國誌

契丹居喪以不哭爲勇載其尸深山置大木上後三歲往取其骨焚之醢而咒曰夏時向陽食冬時向陰食使我射獵猪鹿多得此言其最初國俗也

五代史

阿里吉

西山香山寺址遼中丞阿里吉所捨殿前二碑載捨宅始末光潤如玉白質紫章寺僧目爲鷹爪石

冷然志

碧雲寺有石幢本當時賣地券也演作韻語末云賣

與中丞阿里吉吉作平聲蓋從國語古人游戲翰墨
書券每作韻語如王褒僮約石崇奴券皆然戴良失
父零丁亦用韻語

青鞵踏
雪志

案阿里吉當是元時人今姑從日下舊聞附載於此

臻蓬蓬歌

宋宣和初收復燕山以歸朝遼民來居汴梁其俗有
臻蓬蓬歌每扣鼓和臻蓬蓬之音爲節而舞人多喜
而效之其歌曰臻蓬蓬外頭花花裏頭空但看明年
正二月滿城不見主人翁此本遼諺而爲宋北轅之

兆又有伎者以數丈長竿繫椅於梢伎者坐椅上少頃下投於小棘坑中無偏頗之失未投時念詩云百尺竿頭望九州前人田土後人收後人收得休歡喜更有收人在後頭此亦遼人所作而竟成宋讖焉

宣政

雜錄

劉子翬汴京紀事云倉皇禁陌夜飛戈南去人稀北去多自古黃沙埋皓齒不堪重唱蓬

上蓬聲

歌

屏山集

余尙書北語詩

遼詩話卷下

十一

余靖兩使契丹情益親余作北語詩

宋史靖嘗爲番語詩御史王平

等劾其失使者體出知吉州

國主曰卿能道我爲卿飲靖舉日夜

筵設罷

一作邏侈盛也

臣拜洗

受賜也

兩朝厥荷

通好也

情幹

一作

感勒厚重

微臣稚

一作雅

魯

拜舞也

祝若統

福佑也

聖壽鉄

擺

嵩高也

俱可忒

無極也

國主大笑遂爲醕醢

中山詩話

案雖非遼人作以其可資故實存之

刁奉使北語詩

刁約奉使契丹戲爲四句詩曰押燕移離畢

移離畢官名如

執看房賀跋支

質跋支如

餞行三匹裂

匹裂小木罌以色綾木爲

之如黃漆

通雅作匹製引古今詩話匹製

猶今之沓杯俗曰套杯或五或六外大內小密賜十

貌狸

形如鼠而大穴居食果穀嗜肉皆紀實也

筆談

夷离畢

即參知政事後置夷离畢院以掌刑政

宋刁約使遼有詩云押宴夷离畢知其爲執政

官

國語解

契丹國產大鼠曰毗狸形類鼠而足短極肥其

國以爲珍味穴地取之以供國主之膳公相以

下皆不得嘗

淵水燕談

甚畏日爲隙光所射輒死

墨客

揮犀

陸放翁

蓋竹繒狸之類

齊東野語

家世舊聞同

宋使至密賜毗黎邦

使遼錄作合邦

十頭毗黎邦大觀

也遼中上供善糜物如猪猫若以一鬻置十劬

肉鼎卽時糜爛

畫墁錄

梅聖俞送刁景純學士使遼云朝供酪粥水生

椀夜卧氈廬月照沙

宛陵集

以下三則因北語詩附載

後漢永平中益州刺史朱輔上白狼槃木樂詩

三篇樂德歌詩曰提宮

一作宮

傀構大漢是治魏冒踰

糟與天意合

罔譯劉脾

吏譯平端

旁草

一作莫

支留

不從我來徵

衣隨旅

聞風向化

知唐桑艾

所見奇異

邪毘緝補

一作堪

繪布

推潭僕遠

甘美酒食

拓拒蘇便

昌樂肉飛

局後仍離

屈伸

僕讓龍洞

蠻方貧薄

莫支度由

無所報嗣

陽雒僧鱗

悉備

願生莫穉角存

子孫昌熾

慕德歌詩曰僕讓彼

一作被

尼

蠻方所處

且交陵悟

口人部

繩動隨旅

慕義向化路且俛

一

作雒歸曰

聖德渡諾

聖德深恩

魏菌渡

一作洗與人

厚綜邪流藩

冬多霜雪

胙

一作苴

邪尊螺

夏多和雨藐淨瀘

澌

寒温時適

菌補邪推

部人多有

辟危歸險

涉危經險莫受萬

柳

不遠萬里

術疊附德

去俗歸德

仍路孳摸

一作摸心歸慈母懷

德歌詩曰荒服之儀

荒服之外

犁籍憐憐

土地磽确

阻蘇

邪犁

食肉衣皮

莫殤麤沐

不見鹽穀

岡

一作

譯傳微

吏譯傳風

是

當作提

昆夜拒

大漢安樂

蹤優路仁

携負歸仁

雷折險龍

觸目

倫狼藏幡

一作幢

扶路側祿

綠崖

息落

礧石

服澹

木薄發家

理樂髭雒

百宿到雒

捕茝菌毗

父子同賜

懷藁

匹漏

懷抱匹帛

傳言

一作室

呼勅

傳告種人

陵陽臣僕

長願臣僕

後漢書

唐時南詔蒙氏以十二月十六日謂之星迴節

是日遊於避風臺命清平官

詞臣也

賦詩驃信

長君

之詩曰避風善闕臺極目見藤越隣國之名悲哉古

與今依然此烟月自我居震旦謂國主翊衛類

夔契依昔今皇運艱難仰忠烈不覺歲云暮感

極星廻節元祖謂朕曰元同一心子孫堪貽厥

清平官趙叔達曰法駕避星回波羅毘勇猜波羅

虎也毘勇野馬也驕信昔年幸此會射野馬并虎河澗水難合地煖梅

先開下令俚柔洽俚柔百獻琛弄棟來弄棟願

國願將不才質千載侍遊臺玉溪

編事

元末蒙化知府段功敗紅巾軍梁王德之奏授

雲南平章娶以女阿禧主自是戀戀不肯歸國
其大理夫人高氏寄樂府促之乃歸未幾復來
或譖之梁王曰段平章此來有吞金馬嘓碧雞
之心矣盍早圖之梁王因召阿禧主密付孔雀
膽一具令乘便進毒主私告功功不聽明日梁
王邀功東寺演梵令壯士格殺之阿禧主聞變
大哭欲自盡王防衛甚嚴主愁憤作詩曰吾家
住在雁門深一片閑雲到滇海心懸明月照青
天青天不語今三載欲隨明月到蒼山悞我一

生路裏彩

錦彼名

吐嚕也

可惜吐嚕段阿奴

夫之施

宗施秀

並雲南人以烟花墮身

同奴歹

不好也

雲片波潏不

見人押不蘆

北方起死回生草名

花顏色改肉屏

啼駝背也獨

坐細思量西山鐵立

松林也

霜瀟灑未幾竟死從

官楊淵海亦題詩粉壁仰藥而卒梁王見詩痛

悼乃厚恤之允隨功棺歸葬大理功有女僧奴

將適建昌阿黎氏出手刺繡文旗屬弟寶勵其

復仇并作七言律詩二首示之

全上

張元

華州狂子張元

一作源

天聖間坐累終身每託興吟詠

如雪詩云五丁仗劍決雲霓直取銀河下帝畿戰退

玉龍三百

一作十

萬敗鱗殘甲

一作風捲

滿空

一作天

飛詠白

鷹云有心待擗月中鬼更向白雲頭上飛其他怪譎

類是後竄夏國教元昊爲邊患

西清詩話

景祐中元作絕句云太公年登八十餘文王一見便

同車如今若向江邊釣也被官中配看魚吟此詩畢

入夏州

東齋錄

宋師敗於好水川張元題詩界上寺云夏竦何曾聳

韓琦未是奇滿川龍虎舉猶自說兵機上

案傳奇元字雷復未知有本否

張元吳吳皆關中人負氣倜儻有縱橫才相與友善
張爲鸚鵡詩卒章曰好著金籠收拾取莫教飛去別
人家吳亦有詩將謁韓范二帥耻自屈不肯往乃龔
大石刻詩其上使壯夫拽之於通衢二人從後哭之
欲以鼓動二帥旣而果召見躊躇未用二人竟走西
夏范公遣急騎追之不及旣至夏國夏人倚爲謀主
連兵十餘年西方疲弊職此二人爲之吳詩獨不傳

觀此數聯可想見其人非池中物也

容齋
三筆

王仁宗

幹道冲等

夏崇宗元德五年靈芝生後堂高守忠家國主作靈

芝之歌俾中書相王仁宗和之

宋史

見只編言蘭谿顧

某嘗客華州王槐野祭酒家架上有夏國書閱三旬

始遍

香社
筆記

案崇宗元德三年爲宋宣和七年金滅天祚之

次年也仁宗嘗繫於遼崇宗子仁宗立翰林學

士院俾學士焦景顏王僉等修實錄入金後文

教最盛然絕無表見止此靈芝詩題亦不開一
聯一句之流傳也叔祥所言夏國書今佚不存
文獻無徵良可慨

幹

一作
幹非

氏其先靈武人從夏王遷與州世掌夏國史

道冲字宗聖八歲以尚書中童子舉長通五經爲蕃
學教授官至其國之中書宰相夏人尊孔子爲至聖

文宣帝畫道冲像列諸從祀道冲作周易卜筮斷以

其國字書之

虞道園集

遼史

夏國字若符篆

宋

整類八分教國人紀事用之親
譯野戰歌又譯孝經爾雅二書

幹札簀西夏寧州人世掌國史子朶兒赤字道明年
十五通古注論語孟子史

案道冲或當遼時至道明則入金以後矣

高麗王王徽

韓儼如

高麗自太祖後久不入貢至元豐初始遣使來朝神
宗以張誠一館伴令問其復朝之意云其國與契丹

爲隣每困誅求陵藉不能堪

孫升談屬高麗制於契丹每遇其使至所居殿

上鴟尾皆

國王王徽

東國通鑑徽字燭幽論仁孝王廟號文宗在位時家給人足稱

爲太平宋朝每錫褒賞之命遼氏歲講慶壽之禮

常誦華嚴經祈生中國一

夕夢至京師備見城邑宮闕之盛覺而慕之爲詩以

記云惡業因緣

文昌雜錄作宿業應深

近契丹一年朝

徒作

貢幾

作事多般

中多忽蒙舜日龍綸召便侍堯天佛會觀燈艷似蓮裝闕炤月華如水洩雲寒四句移

身忽到京華地

作幸入華胥境

可甚

惜中作

今宵漏滴殘余大

觀間館伴高麗人嘗見誠一語錄備載此事使者頗

修謹詳雅余撫之既厚每相感餞行至占雲館而別

其副韓檄如馬上忽使人持一大玉帶贈余云此唐

故物其家世以爲寶今以爲獻且於笏上自書一詩

相別云泣涕沈瀾欲別離此生無復再來期謾將寶

玉陳深意莫忘思人見物時余力辭之其詞雖拙樸然亦可見其意也

石林詩話

崔思齊

李子威等

元豐中高麗遣崔思齊李子威高號康壽平李穗入貢於宋上元賜宴東闕下神宗製詩賜館伴畢仲行仲行與五人者及兩府皆和進其後使人金穉朴寅亮見下裴謨李絳孫盧柳金化珍等塗中唱酬七十餘篇自編曰西土雜詠絳孫作序宋人彙刻爲高麗詩

三卷

郡齋讀書志

朴寅亮 子景綽

宋元豐中高麗使朴

通雅音標

寅亮

東國通鑑寅亮官右僕射參知政事寅亮

文詞雅麗宋熙寧中與金覲使宋所著尺牘表狀及題詠宋人稱之號二公詩文爲小華集卒諡文烈

至明州象山尉張中以詩送之寅亮答詩序有花面
豔吹媿隣婦青唇之動桑間陋曲續郢中白雪之音
有司劾中小官不當外交使客神宗顧問左右青唇
何事皆不能對問趙元老元老奏不經之語不敢以
聞神宗再諭之元老誦太平廣記云有覩隣夫見婦
吹火贈詩云吹火朱唇動添薪玉腕斜遙看烟裏面

恰似霧中花隣妻告夫曰君豈不能學也夫曰汝試吹之乃爲詩曰吹火青脣動添薪黑腕斜遙向烟裏看恰似鳩槃茶神宗大笑喜其該博

堯山堂外紀

高麗最好儒學祖宗以來數有賓客貢士登第者自天聖後十年不通中國熙寧四年始遣使修貢因泉州黃慎者爲向導將由四明登岸比至爲海風飄至通州謝太守云望斗極以乘槎初離下國指桃源而迷路誤到仙鄉詞甚切當使臣民官侍郎金第與朴寅亮詩尤精如泗州龜山寺詩云門前客擢洪濤急

竹下僧基白日閑等句中土人亦稱之寅亮爲國詞

臣以罪廢復與金第使中國

滬水燕談

塔影到淮沈浪底磬聲浮月落雲間門前客擢洪濤

急竹下僧基白日閑朴寅亮題泗州龜山寺句

歷代吟譜

元祐六年高麗使人入貢上元節於闕前賜酒魏繼

延朴景綽

高麗史字令裕寅亮子後名景仁力學登科累官尚書左僕射參知政事修國史放

仕卒年六十

皆賦觀燈詩時有佳句景綽句云勝事

年年傳習久盛觀今屬遠方賓

續夢溪筆談

魏繼延

繼延觀燈句云千仞縑山擎日起一聲天樂漏雲來

續夢溪

筆談

李資諒

資諒仁州人官中書侍郎平章事嘗奉使如宋徽宗御睿謀殿召一行人賜宴作詩示之資諒恭和云鹿鳴嘉會宴賢良仙樂洋洋出洞房天上賜花頭上豔盤中宜橘袖中香黃河再報千年瑞綠醕輕浮萬壽觴今日陪臣參盛際願歌天保永無忘

高麗史

李齊賢

張晉公

鄭麟趾高麗史載俗樂乃宋遼時其國人所作也內

李齊賢詩爲多曰五冠山者本孝子李文忠作李詩云木頭雕作小唐雞筋子拈來壁上棲此鳥膠膠執時節慈顏始似日平西曰處容者新羅憲康王遊鶴城還至開雲浦有一人奇形詭服從入京自號處容每月夜出歌於市以爲神人李詩曰新羅當日處容翁見說來從碧海中貝齒頰脣歌夜月鳶肩紫袖舞春風白沙里花者賦役繁重託言黃鳥啄粟以怨之李詩云黃雀何妨來去飛十年農事不曾知鰥翁獨

自耕耘了耗盡田中禾黍爲曰濟危寶者婦人以罪
徒役至濟危寶恨其手爲人所執作歌以自怨李詩
云浣沙溪上傍垂楊執手論心白馬郎縱有連簷三
月雨指頭何忍洗餘香曰鄭瓜亭者內侍郎中鄭叔
以讒見放久不召還撫琴作歌辭極悽惋後人以其
號名之李詩云憶君無日不沾衣政似春山蜀子規
爲是爲非人莫問只應殘月曉星知又有曰寒松亭
者相傳此歌書於瑟底流至江南國人張晉公奉使
江南江南人問之張作詩解之曰月白寒松夜波平

鏡浦秋哀鳴來又去有信一沙鷗

居易錄

高麗詞

高麗史樂志載宋時無名氏詞甚多如太平年云星
州春滿羣芳麗散異香旖旎離宮開宴賞佳致舉笙
歌鼎沸 盡日遲遲和風媚柳色烟凝翠惟恐日西
墜且樂歡醉又金盞子令云東風報暖到頭佳氣漸
融怕魏我鳳闕起鰲山萬仞爭聳雲涯 梨園子弟
齊奏新曲半是填箎見滿筵簪紳醉飽頌鹿鳴詩又
獻天壽云日暖風和春更遲是太平時我從蓬島整

容姿來降賀丹墀 幸逢銓夕真佳會喜近天威神
仙壽算好無期獻君壽萬千斯又慶金枝令云莫惜
金縷衣勸君惜少年時花開堪折直須折莫待折空
枝 一朝杜宇纔鳴後便從此歇芳菲有花有酒且
開眉莫待滿頭絲又風中柳令云愛鬢雲長惜眉山
翠昨相見一時眠起爲伊尙未欲將言相戲早尊前
會人深意 霎時間阻眼兒早巴巴地便也解封題
相寄怎生是欸曲終成連理管勝如舊來識底又行
香子慢云瑞景光融煥中天霽烟佳氣葱葱皇居崇

壯麗金碧輝空彤霄外瑤殿深處簾捲花影重重迎
步輦幾簇真仙賀慶壽新宮 方逢聖主龍飛正休
盛大寧朝野歡同何妨宴賞奉宸意慈容韶音接霞
觴將進蕙鑪飄馥香濃長願承顏千秋萬歲明月清
風又雨中花慢云宴闋倚闌郊外乍別芳姿醉登長
陌漸覺聯綿離緒淡薄秋色寶馬頻嘶寒蟬噪晚正
傷行客念少年踪跡風流聲價淚珠偷滴 從前與
酒朋花侶鎮賞畫樓瑤席今夜裏清風明月水邨山
驛往事悠悠如夢新愁冉冉如織斷腸望極重逢何

處暮雲凝碧又萬年歡慢云禁籞初晴見萬年枝上
巧轉鶯聲藻殿連雲萍曦高照簷楹好是簾開麗景
裊金鑪香暖烟輕傳呼道天蹕來臨兩行拱引簪纓
看看筵敞三清洞寶玉杯中滿酌犀觥爛漫芳葩
斜簪慶快春情更有簫韶九奏簇魚龍百戲俱呈吾
皇願久保洪圖四方長樂昇平又百寶粧云一抹
器初宴畫堂琵琶人抱當頭髻雲腰素仍占絕風流
輕攏慢撚生情態翠眉顰無愁還似愁變新聲自成
獲索還共聽奏梁州 彈到徧急敲頻分明似話爭

知指面纖柔坐中無語惟斷續金虬曲終暗會王孫
意轉步蓮徐徐卸鳳鉤捧瑤觴爲喜知音勸佳人沉
醉遲留又惜花春起早慢云向春來規園林繡出滿
楹鮮萼流鶯海棠枝上弄舌紫燕飛繞池閣三眠細
柳垂萬條羅帶柔弱爲思量昨夜去看花猶自斑駁
須拚盡日尊前當媚景良辰且恁歡謔更闌夜深
秉燭對花酌莫孤輕諾鄰雞唱曉驚覺來連忙梳掠
向西園惜羣葩恐怕狂風吹落又水龍吟令云洞天
景色常春嫩紅淺白開輕萼瓊筵鎖起金鑪烟重香

疑錦幄窈窕神仙妙呈歌舞攀花相約彩雲月轉朱
絲網除任語笑拋毬樂 繡袂風翻鳳舉轉星眸柳
腰柔弱頭籌得勝歡聲近地花光容約滿座嘉賓喜
聽仙樂文傳觥爵龍吟欲罷彩雲搖曳相將去歸寥
廓又水龍吟慢云玉皇金闕長春民仰高天欣載年
年一度定佳期風情多感慨綺羅競交會爭折花枝
兩相對舞袖翩翩歌舞妙掩粉面斜窺翠黛 錦額
門開綵架毬兜當先誘神仙隊融香拂席舞霓裳動
鏗鏘環珮寶座巍巍五雲密歡呼爭拜退管孺衆作

欲歸去願吾皇萬年恩愛又金盞子云麗日舒長正
蔥蔥瑞氣徧滿神京九重天上五雲開處丹樓碧閣
崢嶸盛宴初開錦帳繡幙交橫應上元佳節君臣際
會共樂昇平 廣庭羅綺紛盈動一部笙歌盡新聲
蓬萊宮殿神仙景浩蕩春光灑迤玉城烟收雨歇天
色夜更澄清又千尋火樹鐙山參差帶月鮮明又千
秋歲引云想風流態種種般般媚恨別離時太容易
香牋欲寫相思意相思淚滴香牋字畫堂深銀燭暗
重門閉 似當日歡娛何日遂願早早相逢重設誓

美景良辰莫輕棄鴛鴦帳裏鴛鴦被鴛鴦枕上鴛鴦

睡似恁地長恁地千秋歲

詞譜

案以上詞並高麗人所作若宋賜大晟樂府名
爲唐樂者乃北宋人詞茲不采

無名氏

廣化門王府之偏門也榜周易繇辭五字仍有春帖

子云雪痕尙在三雲陞日脚初升五鳳樓百辟稱觴

千萬壽袞龍衣上瑞光浮

高麗
圖經

王侯以八月十七日生謂之咸寧節其日大會公族

貴臣近侍於長慶殿中國賈人之在館者亦遣官爲
館伴用三部樂亦有致語其口號云當時瑞色照宮
林和氣濃濃破積陰香火千家祈國壽笙歌三部樂
賓心與酣日影移珠箔舞罷花枝倒玉簪須盡清歡
酌美景從容莫訴酒杯深

全上

高麗僧

元豐中高麗遣一僧入貢頗辯慧赴筵啖葷酒自如
命楊次公接伴一日出令曰要兩古人姓名爭一物
沙門曰古人有張良有鄧禹

蓼花洲間
錄作項羽

爭一傘良曰

涼傘禹曰雨傘次公曰古人有許由有晁錯爭一葫

蘆由曰油葫蘆錯曰醋葫蘆

唾玉集

案西夏高麗嘗服屬契丹故並附見

附錄

黃麋歌

唐如意武后年號初里中歌曰黃麋黃麋草裏藏彎弓射

爾傷後契丹李盡忠孫萬榮叛陷營州則天令總管

曹仁師王孝傑等將兵百萬討之大敗於黃麋

舊唐書

令乘驄馬去丞脫繡衣來趙仁獎送上蔡令潘好禮

拜御史詩也或疑其假手蓋仁獎在王戎墓側善歌

黃麈景龍

中宗年號

中負薪詣闕云助國調鼎卽除臺官

中書令姚崇曰此是黃麈耶授以當州一尉惟以黃
麈自銜宋務光嘲之曰趙仁獎出王戎墓下入朱博
臺中捨彼負薪登茲列柏行人不避驄馬坐客惟聽
黃麈忽一夫負兩束薪曰此合拜殿中人問其由曰

趙以一束拜監察此兩束合授殿中

全唐詩話

新城王文簡尙書論詩絕句云九歲詩名銅雀
臺三年留滯楚江隈不如解唱黃麈者新自王

戎墓下來

願洋集

嘲武懿宗

則天時契丹寇幽州武懿宗統兵禦之至邠畏懦而

遜懿宗短陋張元一

官左司郎中善滑稽

嘲之曰張弓短度箭

蜀馬臨階

一作高

騙去賊七百里隈墻獨自戰忽然

一作

前逢著賊騎措向南趨

一作窟

則天未曉曰懿宗無馬

耶元一曰騎猪夾豕也則天大笑懿宗曰此元一宿

構不是猝辭則天曰以韻與之懿宗曰請以羣韻元

一應聲曰裹頭極草草掠鬢不羣羣未見桃花面皮

漫作杏子眼孔

本事詩

唐幽州謠

安祿山未叛時幽州有謠曰舊來誇載竿今日不堪
看但看五月裏清水河邊見契丹時祿山與契丹連
兵往往收其人於帳下故云

唐書

杜鵑

耶律德光入京師春日聞杜鵑聲問李崧曰此是何
物崧曰杜鵑杜甫詩云西川有杜鵑東川無杜鵑涪
萬無杜鵑雲安有杜鵑洛京亦有之德光曰許大一

箇世界一箇飛禽任他揀選要生處便生不生處種也無佛經中所謂觀自在也

清異錄

朝定真冷

契丹主聞唐莊宗爲亂兵所害哭之作口號曰我朝定真冷朝定猶言朋友也真冷遺命也出莊子山木篇桑雥曰舜真冷禹曰汝戒之哉注冷曉也謂以直道曉語禹也

楊伯嶺
曉乘

案遼時風氣初開太祖不習文事決無引用莊子之理泳齋之言殆出附會姑存以傳疑云

太祖神冊五年射龍於拽刺山陽水上其龍一

角尾長足短身長五尺

當作丈

舌二尺有半其形

如劍敕藏內庫

史參夢溪筆談

阿保機極長大其靴可納

一作沒

城臺僧頂

碣石叢談

案此可與射龍事同廣異聞

長樂老詩

晉天福三年馮道使遼遼以道有重名欲留之命與

國相同列遼賜臣下牙笏及臄月牛頭

續繁露遼主以臄月打圍

因敲冰釣魚其頭爲殊禮道皆得之以詩謝云牛頭如牛非真牛頭也

偏得賜象笏更容持嘗大寒賜錦襖貂襖羊狐貂衾
各一每入謁悉服四襖衣宿館中併覆三衾詩曰朝
披四襖專藏手夜蓋三衾怕露頭

叢苑潘自牧記
纂淵海吟詩臺在

易州西大寧山五
代馮道吟詩於此

晉相和凝少年時好爲曲子詞布於汴洛泊入
相專託人收拾焚燬然相公厚重有德終爲豔
詞所累契丹入晉號爲曲子相公

北夢
瑣言

趙延壽

趙延壽將家子幼習武略暇以篇什爲意在契丹嘗

賦詩曰黃沙風捲半空拋雲重陰山雪滿郊探水人
迴移帳就射鵬箭落著弓抄鳥逢霜果飢還啄馬渡
冰河渴自跑占得高原肥草地夜深生火折林梢
南人往往傳之

太平廣記

胡嶠

胡嶠

冊府元龜周太祖廣順二年以契丹虞部員外郎胡嶠爲汝州魯山縣令以其歸化故也五代

史蕭翰北歸用邵陽令胡嶠爲掌書記翰死嶠無所依居契丹七年亡歸飛龍礮飲茶詩

曰沾牙舊姓餘甘氏破睡當封不夜侯嶠宿學雄才

未達爲耶律德光所掠後間道復歸

清異錄

胡嶠詩餅裏數枝婪尾春時人罔喻其意桑維翰曰
唐末文人有謂芍藥爲婪尾春者婪尾酒乃最後之
杯芍藥殿春亦得是名

堯山堂
外紀

蓼花游

雄州瓦橋北與遼隣素無關河爲阻六宅使何承矩

字正則河南人守關始議瀦水爲塞恐其謀泄日會僚佐汎

船置酒賞蓼花作蓼花游一作數十首令座客屬和

繪以爲圖傳至汴京人莫喻其意夢溪筆談

宋太宗詩

太平興國五年遼兵數萬攻雄州乘虛至高陽關太宗親將兵禦之賦詩有鑿輿臨紫塞朔野凍雲飛之句行次大名遼兵退未嘗交鋒卽凱旋復賦詩示行在諸臣有一箭未施兵馬退六軍空恨陣雲高之句

宋事實類苑

遂寧令何蒙

字叔昭洪州人

進朔野凍雲飛詩有云

塞日穿痕斷邊雲透

一作鴻背

影飛縹緲隨

一作浮

黃屋陰

沈護御衣召對嘉賞授贊善

玉壺野史

楊大年文

契丹致祭宋皇后文楊大年捧讀空紙無一字隨自

撰云惟靈巫山一朶雲闡苑一團雪桃源一枝花秋
空一輪月豈期雲散雪消花殘月缺伏惟尙饗仁宗
大喜其才敏給螢雪叢說案當時不乏詩人豈有
四六頗工知此詩而竟無筆耶况高麗史所載詔冊
說未可深信也

楊大年爲學士時草答契丹書曰隣壤交驩進
草旣入真宗自注其側曰朽壤鼠壤糞壤大年
遽改爲隣境明日引唐故事求解職真宗語宰
相曰楊億不通商量真有氣性歸田錄

贈寇萊公詩

陝州魏處士野贈寇萊公詩云有官居鼎鼐無地起樓臺傳播遼中章聖朝使者至問那箇是無地起樓

臺相公時寇居散地因卽召還

清箱雜記

玉壺清

因言本國喜誦魏野詩但得上軼願求全部真宗知其名將召之死已數年搜其詩得草堂集十卷詔賜之

富鄭公對

富鄭公使於遼遼伴使云蚤登雞子之峯危如累卵
答云夜宿丈人之館安若泰山又云酒如線因針乃
見答云餅如月遇食則缺伴使服其機警

韋居安梅澗詩話

蔡忠惠詩

蔡忠惠襄舉進士爲秘閣校勘范仲淹以言事去余
請論救之尹洙請與同貶歐陽修遺書責司諫高若
訥由是三人皆坐譴襄作四賢一不肖詩都人士爭
相傳寫鬻書者市之得厚利契丹使適至買以歸張
於幽州館宋史

二蘇唱和

東坡有次韻子由使契丹經涿州見寄四首與頴濱
元唱並見集中又古北口一寺中石刻頴濱詩云亂
山環合疑無路小徑縈迴長繞溪彷彿夢中尋蜀道

興州東谷鳳州西乃使遼時作而遼人刻石者

陸嘉淑辛

齋詩話

又賴濱木葉山詩奚田可耕鑿遼土直沙

漠蓬棘不復生餘幹何由作茲山亦沙阜短短見叢

薄水霜葉隨盡

飛鳥紛無託

東坡屬對

承平時宋遼歡盟文禁甚寬輅客者往來率以談諢

詩文相娛樂元祐閒東坡實膺是選遼使素聞其名

思以奇困之其國舊有對曰三光日月星凡以數言

者必犯其上一字遍國中無能屬對者首以請於坡

坡唯唯私謂介曰我能而君不能非所以全大國之

體四始風雅頌天生對也蓋先以此復之介如言方
共驚愕坡徐曰某亦有一對四德元亨利使睢盱欲
起辨坡曰而謂我忘其一耶謹闕而舌兩朝兄弟邦
卿爲外臣此固仁祖之廟諱也使出不意大駭服程史

案明人或以大脉寸關尺或以一陣風雷雨對之

東坡書字意成詩契丹使至每以能詩自矜朝
廷議以東坡館伴之使者索賦詩坡曰賦詩易
事觀詩稍難耳因出長亭詩以示之詩云

亭 景 畫 老 筇

桑世昌回文類聚載此詩題曰晚眺

首 雲 霧 泣 巖 峯

注此首神智體雖亦可回讀而無韻

契丹使終日凝思不辨今明解云長亭短景無人
畫老大橫拖瘦竹筇回首斷雲斜日暮曲江

倒蘸小山峯

東坡佛印問答錄
季海虞清常道人趙開美所列亦

案此書爲明

屬僞托姑

附載之

韓玉汝樂府

元豐初契丹來議地界韓丞相纘自樞密院都承旨
出分畫玉汝有愛妾劉氏將行劇飲通夕且作樂府
詞留別翌日神宗已密知忽中批步軍司遣兵馬撤

家追送之玉汝初莫測所因久之方知其自樂府發也劉貢父玉汝姻黨寄詩以戲之曰標姚不復顧家爲誰謂東山久不歸卷耳幸逢携婉孌皇華從此有光輝玉汝之詞由此盛傳天下

石林詩話

信誓如山河詩

翰林學士趙鼎

宋史字平叔南京廬城人謚康靖

聘契丹契丹主請

賦信誓如山河詩詩成親酌玉杯以勸且以素扇授

近臣劉六符寫槩詩置之懷袖

東都事畧長編天聖三年

李維

使契丹郎席賦兩朝悠久詩下筆立成契丹主大喜宋史知制誥聶冠卿奉使契丹其主謂曰嘗觀所著

蘄春集詞極清麗因自擊毬
縱飲命觀鄉賦詩禮遇甚厚

王拱辰詩

風聞充契丹國信使副王拱辰等昨至靴甸赴筵狂
醉無狀執手拍肩或聯嘲諑之詩或肆市廛之語沙

漠驚怪道塗沸騰

趙清獻奏議

拱辰身為報聘之使未致

君命却赴餞送離筵自取京醞痛飲深夜遂致副使
宋選王士全等歌舞失儀言詞狠褻此不可恕者一
也拱辰赴會至醉吟詩乃有兩朝信使休辭醉皆得
君王帶笑看之句語同俳優意涉譏刺此不可恕者

二也竊觀近年以來臣僚出使違禮得罪者如余靖
作番語詩之屬較之則拱辰辱命爲重

全

席上聯句

用唐朝楊貴妃木芍藥詩語謔浪信使致令遼人有
王萬年王見喜之號

全

佛妝

遼時燕俗婦人有顏色者目爲細孃面塗黃爲佛妝

見張舜民使遼錄

彭汝礪詩云有女天天稱細孃真珠絡臂

面塗黃南人見怪疑爲瘡墨吏矜誇是佛妝

嚴繩孫西神脞

說

奚車

吳女肅奎使遼詩云奚車一牛駕朝馬兩人騎

雜志

公是做鐵漿館詩云奚車夕戴星自注奚人以車帳

爲生晝夜移徙又蘇魏公頌奚山路

自注出奚山路入中京界道旁

店舍頗多詩云朱板刻旗村肆食

食邸門掛木刻朱旗

青檀通

噫貴人車

貴族之家草屋通以青檀覆之又頌過打造部落詩澗水逢春猶積

宋詩紀

鍊山雲無雨亦常陰

紫濛館

鄭澗溪解送程公闢給事出守會稽云雪急紫濛催

玉勒日長青瑣聽薰弦自注時程使遼方歸紫濛遼
中館名也方虛谷回云二字人所未用亦人所未知

瀛奎
律髓

晉書慕容氏邑於紫濛之野蓋以慕容比遼也

丹鉛錄

案遼取晉載記以名館韓魏公有奉

使過紫濛遇風詩見安陽集及元混一方輿勝

覽故毅夫詩亦用之並
非取以相比升庵誤矣

陳襄使還咸熙館道中詩去白沙有路駕鶯樂

芳草無情妬烟花

古靈
集

王仲至

欽臣

使遼回謁恭敏李公席中賦詩云

穹廬三月已淹留白雪

詩人玉屑作草

黃雲見卽愁滿

袖塵埃何處洗李家池上海棠洲

復齋漫錄

酒器

遼宴宋使勸酒器不一

王氏談錄契丹主觴客悉以玉杯其精妙殆未嘗有也又

饋客以乳粥亦北方之珍其中有鐵腳草採取陰乾投沸湯中頤之莖葉舒展如生其間最大

者剖大瓠之半範以金受三升前後使人無能飲者

惟方偕一舉而盡遼主大喜遂目其器爲方家瓠每

宴宋使卽出之

宋史韓琦使回戲成詩禮煩偏苦元正拜戶大猶輕永壽杯自注永壽

遼主生辰節名其日以大白酌南使

遼蕭后有琥珀盃二枚形如半桃

核合之無縫容酒半升許每朝會則酌酒以賜有功

大臣當時惟耶律斜軫得賜數次國人以為榮

名山秘錄

耶律和尚字特抹善滑稽官御史中丞和尚雅

有美行然嗜酒不事事晚年尤甚人稱為酒仙

云

史

契丹舞

遼曲寘宋使酒一行鶯篋起歌酒三行手伎入酒四
行琵琶獨彈然後食入雜劇進繼以吹笙彈箏歌擊
築樂角觚王介甫詩涿州沙上飲盤桓看舞春風小

契丹蓋紀其事也至范致能金有鷓鴣天詞亦云

休舞銀貂小契丹滿堂賓客盡關山金源燕賓或龔

爲故事未可定耳

成德漆水
亭雜識

朱竹垞席上觀倒刺詩云雪後風燈燄燄寒雲

韶舊部走伶官一雙手伎從容入勝舞銀貂小

契丹

曝書
亭集

芳儀曲

李芳儀江南國主李景女也

千國春秋芳儀蓋遼人
內職名也疑卽永嘉公

云納土後在汴京初嫁供奉官孫某出爲武彊都監

爲遼聖宗所獲封芳儀生公主一人趙志

一作忠

虞

部嘗仕遼爲翰林學士修國史後自遼歸宋著書載

其事

志忠嘗官黃州通判上契丹地圖及雜記十卷

晁補之无咎因作芳儀

曲以悲之曰金陵宮殿春霏微江南花發鷓鴣飛風

流國主家千口十五吹簫粉黛稀滿堂詩酒皆詞客

奪錦揮毫在瑤席

王銍默記作拭汗爭看平叔白

後庭一曲風景改

默記作時事新

收淚臨江悲故國令公獻籍朝未央敕書築

第優降王魏俘會不輸織室供奉一官來武彊秦淮

潮水鍾山樹塞北江南易懷土雙燕清秋夢栢梁吹

落天涯猶並羽相隨未是斷腸悲
黃河應有卻還時
寧知翻手一朝事咫尺河山不可期
倉皇三鼓淖泥
岸良人白馬今誰見國亡家破一身存
薄命如蓬默記

作雲信流轉芳儀加我名字新
教歌遣舞不由人採珠

拾翠衣裳好深紅暗盡驚沙塵陰山射虎邊風急
嘈雜琵琶酒闌泣無言數遍天河星
只有南箕近鄉邑
當年千指渡江來千指不知身
獨哀中原骨肉又零
落黃鶴寄意何當回生男自有四方志
女子那知出門事君不見李陵椎髻老窮邊
丈夫漂泊尤堪憐避暑

漫鈔

蜜翁翁

昨夜陰山吼雪

一作賊

風帳中驚起紫

一作黑

髯翁平明

不待全師出連把金鞭打鐵驄不知何人之詩頗爲
邊人傳誦有張師雄者西京人好以甘言悅人晚年
尤甚洛人目爲蜜翁翁出官邊郡一夕傳遼兵犯邊
師雄倉皇震恐衣皮兩重伏於土窟中神如癡矣西
人謂土窟爲土空無名子改舊詩以嘲之曰昨夜陰
山透雪風帳中驚起蜜翁翁平明不待全師出連著

皮裘入土空張亢嘗謂蜜翁翁無可對者一日亢有
姪不率教令將杖之其姪大醉大呼曰汝安能撻我
但堂伯伯耳亢大笑以爲可對蜜翁翁釋而不問

臨漢

隱居
詩話

酒令

陶穀使吳越錢王舉酒令曰白玉石碧波亭上迎仙

客陶對曰口耳王聖明天子客錢塘

順存錄

宣政間林

攄奉使契丹國中新爲碧室如明堂之制伴使舉令
曰白玉石天子建碧室林對曰口耳王聖人坐明堂

伴使曰奉使不識字只有口耳壬却無口耳王林詞
屈罵之幾至辱命然林實襲陶學士也

雲麓漫鈔

答平禪師詩

宋無盡居士張商英答盤山平禪師詩云吐舌耳聾
君已曉搥胸只得哭蒼天盤山會裏翻筋斗到此方

知普化顛

傳燈錄乃使遼時作案此

文殊通禪師偈

宋南康軍雲居頑庵德昇禪師謁文殊通禪師師問
佛法省要示偈云契丹打破波斯塞奪得寶珠村裏

賣十字街頭窮乞兒腰間挂箇風流袋師擬對姝曰
莫錯師退參三年得旨趣

傳燈錄

白溝河詩

金盧宜陽洵白溝河詩云白沙清淺不容舟遼宋封
疆限此溝到了山河無定主碧波依舊只東流

中州集

耶律履

履字履道自號忘言居士東丹王七世孫父聿魯早
亡族伯興平軍節度使德元無子以履爲後方五歲
晚卧廡下見微雲往來天際忽謂乳母曰此所謂卧

看青天行白雲者耶德元聞之驚曰此子當以文章
名世及長博學善屬文初舉進士惡搜檢煩碎去之
蔭補國史掾章宗朝累官禮部尙書特賜大定二年
孟宗獻榜進士第官至右丞諡文獻其史院從事曰
感懷云不學知章乞鑑湖不隨老阮醉黃壚試從麟
閣諸賢問肯屑蘭臺合史無一戰得侯輸俊尉長身
奉粟媿侏儒禁城鐘定燈花落坐撫塵編惜吐圖乃
少作也

中州集

履善畫蘭善畫鹿及人馬

畫史會要

案耶律氏蕭氏及渤海大氏其後嗣繁衍入金

元登顯仕者指不勝屈就其政事文學著稱莫如東丹房天殆以報讓國之潛德也特載兩世用紀盛云

耶律楚材

楚材字晉卿履次子也生三歲而孤比長博極羣書旁通天文地理衍數及釋老醫卜之說下筆爲文如宿構者金末辟左右司員外郎元太祖定燕都聞其名召見處之左右呼爲吾圖撒合里而不名吾圖撒合里猶言長髯人也太宗時拜中書令先後立朝三

十餘年卒追封廣寧王論文正所著有湛然居士集

十四卷

元詩選

子鑄字成仲左丞相贈懿寧王論文忠

嘗監修遼金二史鑄子希亮字明甫九歲能詩官翰

林學士承旨兼修國史贈漆水郡公諡忠嘉所著詩

文名悻軒集

元史

楚材和移刺繼先韻云舊山盟約已

愆期一夢十年盡覺非瀚海路難人去少天山雪重

雁飛稀漸驚白髮寧辭老未濟蒼生曷敢歸去國遲

遲情幾許倚樓空望白雲飛和移刺子春見寄云遯

遁沙城識子初天山風雪醉吟餘文章光焰君堪羨

節操儀刑我不如
麴蘖鄉中前進士

渠有詩云老去
惟耽麴蘖

有是

風波堆裏老中書
他年歸去無相棄
同到閭山

舊隱居

湛然居士集

案湛然集佳篇甚夥茲
取其與同宗唱和者二首兼存其人

長洲顧編修嗣立題元百家詩集後云長庚朗

朗照戈矛窮海孤臣望雁愁何似萬松傳訣後

雄篇秀句逞風流

江左十五子詩鈔

案詩指
文正而言

元間有僧自號萬松野老居燕京從容菴耶律
楚材見之參學三年滌水亭雜譏萬松老人謂

文正王已以儒治國
以佛治心王亟稱之

統幕鎮詩

上木鎮在懷來城北三十里扣舷錄云相傳遼主遊

幸嘗張大幕於此因名統幕後訛土幕又訛今名元

陳孚

字剛中臨海人台州路治中贈郡公諡文惠

詩云千里茫茫草色青

亂塵飛逐馬蹄生不知何代開軍府猶有當年統幕

名

居易錄

題遼人射獵圖

元李孝光

字季和樂清人官秘書丞

題遼人射獵圖云美人貉帽

玉驄馬誰其從之臂鷹者沙寒草白天雨霜落日馳

獵遼城下塞南健婦方把鉏丈夫戍邊官索租

元詩選

笞女臺詩

元熊夢祥

字自得進賢人
官崇文監丞

笞女臺

在京城南放生池
東高三丈蒿草茂

茂鄉老俱稱蕭
后笞女於上

歌云荒草堆燕人號爲笞女臺金源

蕭后飭宮女表正壺範出聖裁此事庸或有史筆獨
不該繁華若流水去者不復回後人見遺跡孰不興
遠懷閑花野草今猶昔當時美人安在哉案金止有
一蕭妃並無蕭后當是遼事而後人訛傳也

元詩
選

上花園詩

保安州雞鳴山西三十里爲上花園又三十里爲鎮

城上花園相望有下花園並遼蕭太后種花之所遺

址尙存涿人頓長史銳

正統辛未進士官終長史

詩嶺雲沉日暝

烟斜見說窮邊亦有花應是漢宮青塚怨不甘玉貌

委龍沙

名山記

嘉興李徵士良年上花園詩云闕支此地曾歌舞別

起妝樓對暮山馬首垂楊青一帶錦襦紅袂射雕還

秋錦山房集

錢塘高文恪上花園

臺殿猶存相傳爲遼太祖述律后避暑

詩云沮陽

水南流去與桑乾接峭削磨并山倒影何巖巖其下

十餘里廢址存舊堞廣殿做虛檐繡拱畫龍鬣稀疎
果木行冷落桃杏頰嫣紅風墮花密綠雨添葉啾啾
任寒禽翩翾恣野蝶虛廊苔蘚青殘香疑可拾空聞
傳故老欲考無遺牒征塗正靡鹽况瘁疲跋涉歇鞍
偶長吟遑暇弔霸業

清吟
堂集

無錫秦小峴觀察上花園詩云沮陽一水入桑
乾會說闕支此築垣玉砌雕闌荒草外夕陽重
上上花園長春淀詩云灤河如帶繞邊墻欲問
長春淀已荒柳岸蓮花舊亭榭月明何處照鴛鴦

鴛

小峴山人詩集

應州木塔

應州城內木塔遼清寧二年造高三百六十丈

日下舊聞

木塔甚奇

談遷棗林雜俎州治西佛宮寺清寧二年田和尚奉敕立

馮主事雲驥

有登塔詩一帙序略云塔建自遼疊木爲之七級八面高見數十里朱欄碧瓦玲瓏飛竦登之河水一杯

孤城如彈也

筠廊偶筆

東丹射鹿圖

新城王尙書東丹王射鹿圖詩云人馬勢逸不可當

開圖素練生風霜奇哉落筆如挽強誰其作者東丹
王東樓西樓二千里乘秋出獵凌窮荒番部紅韉鐵
襴褱左射右射必登雙鑿蹄驕馬如風檣三花剪鬣
紛怒張俊鶻初變爲正鶻蒼鷹塌翅隨馬韁雄狐狡
兔皆遁藏射麋麗龜走且僵東丹昔日稱人皇扶餘
開國隣扶桑秋冬射獵海東磧頭鷺燕罷傳醺漿跨
海南歸大梁苑時時夢憶穹廬鄉往往丹靑自遊戲
寸縑尺素如琳琅宣和壓架六千軸東丹九幅千金
裝良岳灰飛玉匣散此圖豈不關興亡蠟炬如椽照

空廊雄談劇飲累百觴東丹丹青遠擅場蹊田奪牛

語堂堂令人千載悲同光

漁洋精華錄

遼后妝洗樓詞

皇城北苑中有廣寒殿瓦甍已壞榱桷猶存相傳爲

遼蕭后梳妝樓成祖定鼎燕京命勿毀以垂鑒戒

太岳

集觀於天王寺浮圖之址問僧寺之創始不能言但

指其南廢邱隆然而峙者曰此遼之蕭太后妝臺也

東里集

案蕭后遺跡見於志乘者甚多梁氏園在京師

西南五六里其外有舊城西半猶存號爲蕭太
后城盤山有湯泉云是遼后浴處昌平州有水
盆石在居庸關東山之顛相傳蕭后梳洗處石
下刻燕窩二字密雲縣有蕭太后看花臺遺址
在縣西北二十里懷柔縣亦有看花臺又有太古墓園十
餘里高與山等昔有人發之將及墓門羣蜂擁
出螫人遂不敢入相傳爲遼太后葬處灤州長
春淀舊有行宮迺蕭太后所建月榭風亭蓮池
柳岸並剝落無存懷來縣有團焦亭蕭太后遊

息之所延慶州東北二十里有古城相傳遼蕭
后所築又州北十里爲東羊房州西北十五里
爲西羊房皆蕭后養羊之所遷安縣北二十里
有龍紀城蕭后所築通州有飲羊河或云卽蕭
太后運糧河錦縣有蕭太后梳洗樓大同府西
北隅有蕭太后梳裹樓天鎮縣有蕭后井相傳
后駐兵於此

秀水朱竹垞咏遼后洗妝樓調寄臺城路云層闌不
厭波光冷明霞遠捎魚尾細草含茸圓荷倚蓋猶與

舞衫相似揉藍片水曾簇蝶前紅影蛾描翠錦石秋
花當時穩貼皂羅髻春城幾番士女縱嬉遊元夕
沙界烟寺黃面瞿曇白頭宮監也說千年遺事回心
院子問殿脚香泥可留蕭字懷古深情焚椒尋蠹紙
長白納蘭容若侍衛同作云六宮佳麗誰會見層臺
尙臨芳渚露脚斜飛虹腰欲斷荷葉未收殘雨添妝
何處試同取雕籠雪衣分付一鏡空濛鴛鴦拂破白
蘋去相傳內家結束有帕裝孤穩華縫女古冷艷
全消蒼苔玉匣翻出十眉遺譜人問朝暮看燕粉亭

西幾堆塵土只有花鈴縮風深夜語

曝書亭集

無錫秦對巖詠遼后洗妝臺同朱竹垞作調寄臺城
路云瓊樓天上寒如許不堪陳迹重數禁柳拖黃芴
池迴碧中有妝臺舊處憑誰吊古早烟冷玉虹草迷
金露二字名想像當年水晶簾捲報亭午 問君何事
多感只銷沉粉澤幾度風雨結綺臨春南朝花月轉
眼千年黃土憐伊如故又綠樹斜陽宮鴉飛去塔寺
無端聲聲朝暮鼓

蒼峴山人
微雲集

宜與陳迦陵同洪昉思過遼后梳妝樓調寄滿庭芳

云細馬輕衫西風南苑偶然人過金溝道傍指點遼
后舊妝樓想像回心宮院鈿箏歇含淚梳頭青史上
武靈王后一樣擅風流 堪愁成往蹟繚垣敗甃滿
目殘秋便脂田粉磴零落誰收莫問黃顏移刺興亡
恨總是荒邱紅墻外誰拋金彈年少富平侯咏妝樓
調寄齊天樂云洗妝樓下傷情路西風又吹人到一
縉山鬟半梳苔髮想像新興鬧掃塔鈴聲悄說不盡
當年花明月曉人在天邊軸簾遙閃茜釵小 如今
頓成往事回心深院裏也長秋草上苑雲房官家水

殿慣是蕭娘易老紅顏懊惱與漢寢唐陵一般殘照

惹甚閒愁且歸斟翠醪

陳檢
詩集

嘉善曹學士爾堪梳妝樓廢址詩云雪堆黝石高老
魅穴敗瓦何代遺此邨荒涼古臺下衰柳寒鴟驕廢
壑秋泉瀉悲啼鳥啄木蕭瑟鼠憑社芰荷凋金風景
物不堪寫當年環珮來鈿翠何魚雅紅顏瘞黃土舊
日承恩者

八家
詩選

遼后梳妝臺址在太液池東小山上一名璫花島卽
今白塔寺址是也南有石梁曰積翠曰堆雲行人度

梁卽見之嘗讀元葛祿邈邈賢金臺集中有妝臺詩
甚佳廢苑鶯花盡荒臺燕麥生韶華如逝水粉黛憶
傾城野菊金鈿小秋潭玉鏡清誰憐舊時月曾向日
邊明自注云妝臺在昭明觀後金章宗嘗與李妃夜
坐上曰二人土上坐妃應聲曰一月日邊明故云則
知是臺本遼時后妃遊憇之所不止蕭太后也堯山堂外

紀今禁中瓊花島妝臺本金故物也目爲遼后梳妝樓誤曰下舊聞易之去金不遠其謂李元妃所作可証相傳爲遼遺跡之譌若李空同秋懷詩苑西遼后洗妝樓徒

以叶調之故易梳爲洗易臺爲樓遂致士人文士爭

名是非且有誤指橋南諸閣爲洗妝樓者文筆之不

可輕下乃爾

西河詩話

無錫秦小峴觀察蕭后妝樓詩云遼后妝樓曉

幕垂當年遺恨十香詞芙蓉零落回心院瓊島

秋風又一時

小峴山人詩集

遼宮詞

趙士喆字伯潛山東掖縣人副都御史耀子貢生後
因避兵登州松椒山遂不歸卒鄉人私諡文潛先生
嘗著遼宮詞一卷有云四樓城闕盡東開正旦諸王

而面來磔犬燒羊桐乳酒君臣圍坐笑傳盃扈蹕宵
征敢冒寒侍兒應作健兒看錦鞞貂額戎裝好不用
郎當舞袖寬李氏螟蛉已贅疣石郎反噬更添愁官
家笑得漁人利天外飛來十六州海淀樓臺第一層
到來六月失炎蒸金盤雪藕成虛設何事天厨更進
冰全晉輿圖屬大遼太宗新涖紫宸朝漢家禮樂真
堪羨從此坤儀改姓蕭名家妃主度關山馬上貂裘
淚不乾莫訝鶯花邊地少遼陽更比范陽寒女伴從
軍萬里還自言曾到玉門關赫連臺上秋雲卷遙見

河流入斷山風旗雪帳夜張燈獵後行厨肉似陵寄
語妖狐休作態君王臂上有神鷹八月巫閭草半枯
繡簾霜重一燈孤人生失意無南北笑卷琵琶出塞
圖傳說林牙建義旗乍聞驚喜久成疑微軀願作遼
東鶴一夜乘風到虎思

見朱竹垞選本

聖母仙輶返玉京六

宮掩袂淚如傾人間那敢談温樹天上先皇照鑒明
銀甕交爭忿未平六龍親駕復西征安邊自是男兒
事枉却當年嫁義成雉尾交輝寶蓋飄欣瞻御像降
丹霄天王眉宇傾遐邇北極羣靈夜夜朝年來南北

靖烽烟西夏高麗各晏然聞道中朝相司馬至尊秘
敕慎開邊玉帛聯翩四十春富公忠信格神明小蘇
近作皇華使又喜龍荒見鳳麟自解衣冠策晉王石
劄兩主號兜皇河山不改雄圖盡白髮宮娥淚萬行
身似風前旅雁孤夜來猶自夢宣呼受降城外如霜
月照見行營寶帳無昔日文姬落北庭故山雲樹豈
忘情歸時却值炎暉沒腸斷蘇卿謁茂陵燕京容易
便迎降誤我艱難到海邦草草束裝如夢裏錫欵忘
却在西牕大梁清夢隔蓬瀛仙眷何來五國城共矢

餘年持苦行漢宮環珮乞來生

見王漁洋選本

天皇開國似

中州萬里鞞人未解愁大合鹽池收八部始知宮壺
有神謀西風盛粟晚悠悠殘暑方闌已報秋乞巧樓
前喧笑語休將河鼓當牽牛丹書遺像已成塵延壽
于今又一人不賣蛾眉單賣國蛾眉也解唾姦臣南
國知名花見羞久應無復舊風流美人自分甘黃土
誰灑徽陵飯一甌世廟初年入掖庭睡王當日卻常
醒雞鳴月墜笙歌歇時見調鶯別院燈古穩搔頭紫
鳳裾雙蛾蹙黛未全舒影燈一笑天顏改絕勝西番

解渴珠殿試傳臚自盛唐女官慣看狀元郎皇家丙
子開科目始識宮袍染御香杏熟纔穿杏子衫清和
天氣像江南記得去年今日雪近臣暖帽待朝參鎮
日醺醺荅刺酥經年勝負只擣蒲寧江戰士無消息
悶向花前問紫姑

九首見
本卷

會同石幢

我邑查初白遊歸義寺詩云地作隣人業苔侵破廟
堦兩三碑背字猶記會同年

中有遼初石幢
敬業堂集

歸義寺遼刹也天王殿前一碑無撰書人姓氏

額題彌陀邑特建起院碑文

倚晴閣雜抄

內有石幢

記作駢語末書會同九祀龍集敦牂元月記又

記有大遼保寧年字

人海記

再生儀詩

遼起松漠質勝於文觀禮志再生儀一節具見真摯
有非祭山過樹瑟瑟射柳露臺拜日以及勘箭藏關
戴辣蕪節頭魚宴等所可同日而語者稍加緣飾直
當與冠禮並行聖人復起應亦不廢也余嘗有詩曰
可汗跣足過三岐勿忘殷勤鞠育慈曜辣分頒傳祚

久江隣幾雜志契推元合爲再生儀星一週天一度

臨當年阻午慮淵深須知孝治無他法不失殷殷赤

子心

再生儀凡十有二歲皇帝本命前一年季冬之
月前期禁門北除地置再生室母后室先帝神
主輿在再生室東南倒植三岐木其日以童子
及產醫嫗置室中一婦人執酒一叟持矢般立
於室外有司請神王降輿致奠奠訖皇帝出寢
殿詣再生室羣臣奉迎再拜皇帝入室釋服跣

以童子從三過岐木之下每過產醫媪致詞拂拭帝躬童子過岐木七皇帝卧木側叟擊箠曰生男矣太巫幪皇帝首興羣臣稱賀再拜產醫媪受酒於執酒婦以進太巫奉襁褓綵結等物贊祝之預選七叟各立御名繫於綵皆跪進皇帝選嘉名受之賜物再拜退羣臣皆進襁褓綵結等物皇帝拜先帝諸御容遂宴羣臣史臣曰善哉阻午可汗之垂訓後嗣也孺子無不慕其親者嗜欲深而愛淺妻子具而孝衰人人皆然

而況天子乎再生之儀歲一周星使天子一行
是禮以起其孝心夫體之也真則其思之也切
孺子之慕將有油然發於中心者感發之妙非
語言文字之所能及善哉阻午可汗之垂訓後
嗣也始之以三過岐木母氏劬勞能無念乎終
之以拜先帝御容敬承宗廟宜何如哉詩曰無
念爾祖聿修厥德史案再生儀又名覆誕遼
初移離董亦得行之後又屢
爲皇太子契丹主及太后噴嚏近侍臣僚齊呼
行此禮

沿離夔沿離夔譯言萬歲也

燕北錄

齊孝子

遼史不爲得失得本者立傳偶從灤州志見齊孝子
陶詠之以補史闕云紀孝友肇晉書遼之史獨闕如
相傳石城令純孝著里閭何不召列墩官圖金印斗
大腰紆朱一化薄俗師醇儒志稱陶馬城人純孝至
性著於里閭壽昌間徵授石城令遷明威將軍惜不

詳其顛末

元遺山集金黃華老人王庭筠遠祖文林
仕高麗爲西部將戰歿八世孫樂德居渤

海以孝聞遼太祖平渤海封其子爲東丹王樂德孫
繼遠仕爲翰林學士因家遼陽五世孫永壽遷益州
之熊岳縣卽庭筠曾祖案樂德渤海孝子附著於
此厲鶚遼史拾遺天祚亡殉國者寥寥故遼史無

忠義傳金史所載宣州節度使韓慶民天會中宣州
破不屈而死亦忠義中一人史何以不爲立傳其妻
不辱於金而自殺宜
改人遼史列女傳

題龍龕手鑑詩

憶甲戌夏在京師有持宋刻龍龕手鑑來者因索
重直不獲購走筆作長歌題其後而歸之其辭曰古
者訓童蒙書師貴兼通凡將元尚滂喜雲烟散獨傳
汝南召陵公乘冲繼推嶮令顧黃門所著存佚今不
同楚金國寶最後出討論點畫毫芒工幽州有關士
應屬聞風起涉獵遍貝經一龕手戢香篋成置之釋

遼詩話卷下

卷下

藏內欲共蒼雅相終始行均

字廣濟俗姓于氏

髣髴嗣前人

壘域慧力神珙伯仲爾智光

字法炬憫忠寺僧

作序稱詞辯

見夢溪筆談

溪西逸民外訛偶如此

宋志文獻通考並題行均獨鄭氏藝文略

題智光蓋因作序而誤也

三十六母諧宮商音和雅

隔門分詳似梵佉盧同探析攝妙况復訓詁簡要精

偏傍桃萊別白易立肖校讐良次第見理法燕僧何

堂堂我聞契丹嚴書禁此書奚自歸儲藏統和重熙

先後曾鏤版無乃蒞帥重鎔傳南方欲述魯公作命

名志有託宋人愛其書嫌諱頗斟酌

顏平原韻海鏡漏取照之如鏡

義今刻作鑑宋人吳休武墨漢襲妄紛紜王育之胃
為翼祖避嫌名也

荆舒更穿鑿穆天子傳音久亡梁四公記解仍畧毘
陵志乘多方言蜀都賦字難臆度梵筴說荒唐篇海
堪剗削尉律有意求同文茲書良足備考索蜀錦牙
籤橫楮墨古香生詎是麻沙版端楷類率更余為撫
卷三太息安得匠氏新雕刻長與說文玉篇佩觿垂
無極

長牌七十二道上國書勅走馬字
三道上國書朕字
木刻子牌十二道上國書

急字處旗上國書恒字乃軍字也

燕北錄案
史太祖神冊

五年始製契丹大字葉志謂以隸書之半增損之作文字數千以代刻木之約今可考見者如此

遼太祖以隸書之半增損之製契丹字數十以

代刻木之約其字如嬖朕也敕友走田馬斥急

之類是也

書史
會要

染莊蛇

余輯遼詩話遍閱十六州志乘無足採者即遼時事迹亦甚寥寥惟永平府志所載昌黎染莊社記最爲

奇異堪入齊諧之志幾同海棗之談覺擔生義而未
仁不足專美矣因作絕句詠之云國土酌知己由來
未足誇報恩拚一死不見染莊蛇

契丹時遼與軍風斃者行貨路收一卵於篋歸
置錦囊繫臍下月餘出蛇如簪飼之以肉每出
便飼漸長盈丈圍將尺許斃雖傾篋居之而力
不能任矣乃縱之於野任其自食嘗命以名曰
雅撫首似不忍別雅如人戀戀然但不能言而
去數歲益大始食野禽繼而噬人有司制之無

策乃聞於契丹榜募能捕者堯知其必雅乃應募而抵於處呼其名而至叙故舊而數其罪蛇遂俛首伏誅其血流及近村土石悉染紅而莊以名莊老以堯能施恩除害而祀之雅能知恩服罪而配焉是歲里人修祠落成記其歲月金至寧元年仲秋辛卯興平路猛安蒲察孟里記

染莊社記

案風堯姓名甚奇其字類金國書不可識又疑風卽風通志氏族畧風作風乃古風字元有此姓堯疑爲堯字之譌未知是否

東安縣志遼人物有李士瞻李延興并載其詩

案元詩選士瞻字彥聞元季官至翰林學士承
旨封楚國公有經濟文集子延興至正丁酉進
士官翰林檢討明初尙存有一山文集此修志
者誤編不足依據

又李晏金皇統二年進士官
至禮部尙書節度使其平州

中和館後草亭詩乃高麗
平州所作志書誤編入遼